

Amari purani luma

Mure gindura kadej žan palpale pe kadi vrama, sar simas cigno šavo. Me dav ma godji. Sar trajinas kadaj Rom ando Österreich angla marimo. Lenge anava me inke žanav, sas hireša Rom. Taj kodola nipura phgirkerenas ande thema, andi kodi luma. Resenas pe, taj o maj baro sokaši, so o šuar sokaši sas, kana resenas pe pe grstengo foro. Ke kote intrego luma avelas. Paruvenas taj kerškodevinas, sas po biš, tranda vurdona, čačes, sar khana phenes, šukarimo sas. (...)

Pale ande kirčima, kana žanas e Rom, e šave či kote sas, e dešupanže beršenge naši žanas paše, dešochtongo beršenge či kodo inke. Ko bišengo sas, so aba sikadas o drom, šaj žalas lemca andi kirčima, kala mulatinas. E šave pale dešefta, dešochto beršenge, e grasten si te chutilenas avral, anglaj kirčima, vaj vurdonen si te kerenas vaj chachavenas e grasten inke, meg von mulatinas. Kana pa foro avenas, kote sas lengi kirčima, taj kote žanas te mulatin, taj e šave sar ame so samas, či mukenas ame kote taj cholajvasas ame.

Kodo sas šukar mange, kana sas grastengo foro. Ke me žanos e grasten te sikavav, žanos, sar našen. Tak ka kodo žanos, denas ma laše love mindig, kana paruvenas vaj biknenas.

[Stojka, Mongo (2001) Unsere alte Welt. In: Cech, Petra / Fennesz-Juhász, Christiane / Halwachs, Dieter W. / Heinschink, Mozes F. (Hg.) Fern von uns im Traum ... Te na dikhas sunende ... Märchen, Erzählungen und Lieder der Lovara, S. 247-269. Klagenfurt, S. 247.]